



12. februar 2007

§ 36 malillugu apequteqaat Kalaallit Nunaanni erngup nukinga atorlugu nukissiorfiliornernut tunngasoq

Inatsisartut Ingerlatsinermut Inatsisaanni § 36, stk. 1 malillugu matumuuna Naalackerssuisunut apequteqaateqarpunga Sisimiut illoqarfiata qanitaani erngup nukinga atorlugu nukissiorfiliornissamat aalajangertoqarsimaneranut. Ilisimaneqartut Aningaasanut Inatsisip 2007 akuersissutigineqarneraniit akisunerujussuusussatut isikkoqarmat.

1. Aningaasaqarnermi Ataatsimiititami ilaasortatut ilaatigut peqataasimavunga Aningaasanut Inatsit 2007 aappassaaneerneqarnissaanut imaattunik isumaliutissiissusiornermut:

”Aningaasaqarnermut Ataatsimiititap pissutissaqarsoraq toqqissisimannngissutigigamiuk Nukissiorfiit aningaasaliissutissanik katersinera, Naalackerssuisut pilersaarussiaat malillugu, ilaatigut erngup nukinga atorlugu nukissiorfiliornissamat aningaasaliissutissanik. Qorlortorsuarmi Tasiilamilu nukissiorfiliornernit aningaasaliissutissatut immikkoortitanit aningaasalersorneqareerput. Aningaasaqarnermut Ataatsimiititap naatsorsuutigaa Naalackerssuisut Namminersornerullutik Oqartussat sinnerlugit piginnittutut inissisimassat Nukissiorfinnut tamakkiisumik akisussaasutut, taamalu akisussaaffigalugu erngup nukinga atorlugu nukissiorfiliornernup Nukissiorfiit tunisassiorfiisa apuussuiffiisalu aserfallatsaalineqarnerat innarlissannngimmassuk. Nukissiorfiit ungasissorsuunngitsukkut nutarterinissani kinguartoorfigiuarsimavaa, tamannalu peqqittariaqanngilaq.”

Tamanna tunulequtaralugu qinnutigineqarpoq naliliifigeqqullugu Nukissiorfiit periarfissaqarnerisut nukissiorfitik allat apuussuissutitillu aserfallatsaalissallugit, imaattoqassappat :

- a. Siunnersuutigineqartutut taamaallaat Sisimiuni erngup nukinga atorlugu nukissiorfiliortoqassappat.
 - b. Sisimiuni nukissiorfissaq siunnersuutigineqartutut sanaaneqassappat, aammalu Ilulissani Paamiunilu erngup nukinga atorlugu nukissiorfiliassat siunnersuutaasuniit akisunerusumik sananeqassappata, Sisimiuni naatsorsuutigisamiit akisunerunissaanut sanilliinneqarsinnaasumik.
2. Nunatta karsianut Nukissiorfinnullu katillugit qanormitaava akeqassappat, taavalu sanaartugassanut aningaasanut inaatsimmi sillimmatissat qanormita qaffattariaqassappat Sisimiuni nukissiorfiliassaq siunnersuutigineqartutut sananeqassappat

Paamiuni Ilulissanilu pilersaarutit malilugit ingerlatiinneqassappata aammalu Nukissiorfissat kingulliit marluk sanaartorneqassappata naatsorsuutaasimasuniit siullernit akisunerusunngorlugit Sisimiuni nukissiorfissap akisunerulissutissaanut naleqqunneqarsinnaasumik.

3. Paamiuni Ilulissanilu erngup nukinganik nukissiorfissatut siunnersuutigineqartut sananeqassappata siuliani apeqqutigineqartut aallaavigalugit sananeqarfimminni qanoq niuerluarfiutigissappat?



4. Naalakkersuisut oqarnikuupput, erngup nukinga nukissiorfiit aningaasartuutaasa 4%-iat pisarsiarineqarsinnaappata tamanna aeqqortumik aningaasaliinerusimassasoq. Uanilu kissaatigineqarpoq aningaasaliiffissat allat eqqarsaatigalugit taama oqartoqarsimanersoq.
5. Naliliinermi Ssisimiuni erngup nukinga atorlugu nukissiorfiliornissami pissarsiassat eqqarsaatigalugit Nukissiorfiit aningaasanik sillimattissanik illikartitaqartarnissaat ilanngullugu eqqarsaatigineqarsimanerpoq? Taamaassimassappallu qanoq?
6. Naatsumik oqaatigissagaanni suna tunulequtaava Nukissiorfiit Sisimiuni erngup nukinganit nukissiorfiliornissaq 1992-imi suliassiissutigineqarnissaa tunuartiinnarmassuk?
7. Oqaatigineqarpoq Nukissiorfiit Naalakkersuisullu qularutiginnikkaat Nukissiorfiit isigineqarnertik ilumut pimoorullugu sanatitsiniarnersut upperineerutivittussaasut, Ssisimiuni erngup nukinga atorlugu nukissiorfiliornissamut suliassiissutertik tunuartiinnassagaluarpassuk. Ilumut Naalakkersuisut isumaqarnerput naliliilluarnersuq, kingullermik ukiut 15-it matuma siornagut suliassiissut taanna tunuartimmassuk Ilimmarfillu siullermik sulisussarsiuunneqalualarluni tunuartiinnarneqarmat, pisimasut eqqaassagutsigik?
8. Oqaatigineqarpoq qularnanngitsumik 150 mio. kr. sipaarneqarsinnaagaluartut maannakkumut Ssisimiuni erngup nukinga atorlugu nukissiorfiliassap nutaamik pingasut-sisamanut agguataarlugu nutaamik suliassiissutigigaluaaraanni. Ilimanarpoq Nukissiorfiit iluminni ilisimasaqarluartunik aningaasanillu amigaateqartut suliarinnittussarsiuussinissap sisamanngorlugu agguataarnissaanut. Naalakkersuisut isumaqarnerput siunissami avataanit ikiortissarsiorluni aqutsisinnaanissaq siunnertissarsiorsinnaanissarlunniit soorlu COWI-consulttitut Statkraftitullunniit ittunik akilersinnaassasoq? Avataanit ikiortissarsiornikkut pilersaarutit sukkaasumik ingerlaartinneqalersinnaagaluarput sipaarfiusinnaasullu qulakkeerneqarlutik, soorlub Sisimiuni erngup nukinga atorlugu nukissiorfiliornissaq eqqarsaatigalugu, Nukissiorfiit aaqqissuussaananerat tamaat allanngortitinnikkaluarlugu. Aamma taamaaliornikkut kalaallit suliffeqarfiutaat peqataasinnaanngortinneqarsin-naassagaluarput.
9. Eqqarsaatigineqarsimanerluni Sisimiuni, Paamiuni Ilulissaniluunniit erngup nukinga atorlugu nukissiorfiliortoqarsinnaasoq Kangerluarsunnguami atorneqarsimasut allatullunniit ilusilerlugu sanasoqarsinnaanera?
10. Naalakkersuisut pineqartumut paasissutissanik pingaarutilinnik allanik pigisaqarnerput?

Inussiarnersumik qinnutigissavara akissutissat ullumikkumiit sap.ak. 2 qaangiutsinnagit allaganngorlugit kalaallisut qallunaatullu elektroniskiusumik uunga nassiuteqqullugit lekn@gh.gl uunga kopiilerlugit landstinget@gh.gl.

Inuulluaqqusillunga

Lene Knüppel
Inatsisartunut ilaasortaq